

唐
音
統
籤

戊籤八十一吳融之五

唐音統籤卷

七百三十五

七言律詩二

太保中書令軍前新樓

韋昭度遷太保中書令討陳敬瑄出節度

蜀中

十二關千壓錦城半空人語落灘聲風流近接平
津閣氣色高含細柳營盡日卷簾江草綠有時欹
枕雪峯晴不知奉詔朝天後誰此登臨看月明

簡州歸降賀京兆公

分棟山前曙色開三千鐵騎簡州回雲間墮箭飛
書去風裏擎竿露布來古謂伐謀爲上策今看靜

勝似中台功名一似淮西事只是元臣不姓裴

漣水席上獻座主侍郎

暖泉宮裏告虔回略避紅塵小宴開落絮已隨流水去啼鶯還傍夕陽來草能緣岸侵羅薦花不容枝蘸玉杯莫訝諸生中獨醉感恩傷別正難裁

岐陽業相國對宅因抒情投獻

鳳有危亭月有臺平津閣畔好徘徊雖非宋玉誅茅至且學王家種竹來已得靜居從馬歇不堪行色被蟬催故園蘭菊三千里旅夢方應校懶迴

離雪溪感事獻鄭員外

足恨饒悲不自由萍無根帶水長流庾公明月吟
連曙謝守青山看入秋一飯意專堪便歿千金諾
在轉難酬雲沉鳥去回頭否平子才多好賦愁

數水有丐者云是馬侍中諸孫憫而有贈

天地塵昏九鼎危大貂曾出武侯師一心忠赤山

河見百戰功名日月知舊宅已聞裁禁樹

卽今奉誠園

諸孫仍見丐征岐而今不要教人識正藉將軍死
關時

商人

百尺竿頭五兩斜此生何處不爲家北拋衡岳南

過鴈朝發襄陽暮看花蹭蹬也應無陸地團圓應
覺有天涯隨風逐浪年年別却笑如期八月槎

富水驛東楹有人題詩

筆跡柔媚
出自纖指

繡纓霞翼兩鴛鴦金島銀川是故鄉只合雙飛便
雙死豈悲相失與相忘煙花夜泊紅葉賦蘭渚春
遊碧草芳何事遽驚雲雨別秦山楚水兩乖張

還俗尼

本是
歌妓

柳眉梅額倩粧新笑脫袈裟得舊身三峽却爲行
雨客九天曾是散花人空門付與悠悠夢寶帳迎
回暗暗春寄語江南徐孝克一生長短托清塵

和張舍人

玉女盆邊雪未銷，正多春事莫無繆。
杏花向日紅勻臉，雲帶環山白繫腰。
鶯嚶樹頭歌枕聽，凍開泉眼杖藜挑。
陵遷谷變如須問，控鶴山人字子喬。

和座主尚書春日郊居

海燕初歸朔鴈回，靜眠深掩百花臺。
春蔬已爲高僧掇，臘醞還因熟客開。
簷外暖絲兼絮墮，檻前輕浪帶鷗來。
謝公難避蒼生意，自古風流必上台。

和峽州馮使君題所居

三年拔薤成仁政，一日誅茅葺所居。
曉岫近排吟

閣冷夜江遙響寢堂虛唯懷避地逃多難不羨朝
天臥直廬記得街西隣舍否投荒南去五千餘

和座主尚書登布善寺樓

往事何時不繫腸更堪凝睇白雲鄉楚王城壘空
秋色羊祜江山祗暝光林下遠分南去馬渡頭偏
認北歸航誰知此日憑軒處一筆工夫勝七襄

和人題武城寺

神驚已覺三清近目斷仍勞萬象牽渭水遠含秋
草渡漢陵高枕夕陽天半巖雲粉千竿竹滿寺風
雷百尺泉別有欄干壓行路看人塵土竟流年

次王員外難遊四韻

一分難減亦難加，得似溪頭浣越紗。
兩漿慣邀催去艇，七香曾占取來車。
黃昏忽墮當樓月，清曉休開滿鏡花。
誰見玉郎腸斷處，露床風簾半欹斜。

和人有感

莫愁家住石城西，月墜星沉客到迷。
一院無人春寂寂，九原何處草萋萋。
香魂未散煙籠水，舞袖休翻柳拂堤。
蘭棹一移風雨急，流鶯千萬莫長啼。

和元秀大德賜遊曲江

花飛絮落水和流，玉署詞臣奉詔遊。
四面看人隨

畫鵲中流合樂起眠鷗皇恩自抱丹心報清頌誰
將白雪酬不爲禁中催入宿前峰月上未回舟

酬僧

吾師旣續惠休才况值高秋萬象開吟處遠峯橫
落照定中黃葉下青苔雙林不見金蘭久三楚空
翻組繡來聞說近郊寒尚綠登臨應待一追陪

和皮博士赴上京觀中修靈齋贈威儀尊師
兼見寄

霓結雙旌羽綴裙七星壇上拜元君精誠有爲天
應感章奏無私鬼怕聞鶴馭已從煙際下鳳膏還

向月中焚

漢武燒鳳膏爲
燭以祀神壇

白雲鄉路看看到好駐

流年翊聖文

八月十五夜禁直寄同僚

中秋月滿盡相尋獨入非烟宿禁林曾恨人間千
里隔更堪天上九門深明涵太液魚龍定靜鑠圓
靈象緯沉日斷枚臯何處在闌干十二憶登臨

寄楊侍郎

雲情鶴態莫誇慵正上仙樓十二重吟逸易沉鳩
鵲月夢長先斷景陽鐘奇文已刻金書券秘語看
鐫玉檢封何事春來待歸隱探知溪畔有風松

寄殿院高侍御

黃梅雨細羅長洲柳密花疎水慢流
釣艇正尋逋客去繡衣方結少年遊
風前不肯看垂手燈下還應惜裹頭
一夜自憐無羽翼獨當何遜滴堦愁

赴職西川過便橋書懷寄同年

平門橋下水東馳萬里從軍一望時
鄉思旋生芳草見客愁何限夕陽知
秦陵無樹煙猶鎖漢苑空墻浪欲吹
不是傷春愛回首杏壇恩重馬遲遲

憲丞裴公上洛退居有寄二首

鴻在冥冥已自由紫芝峯下更高秋
拋來簪綬卻

如夢泥著杯香不爲愁晚樹拂簷風脫翠夜灘當
戶月和流自嗟不得從公去共上仙家十二樓
瘦如仙鶴爽風簷外却塵囂典緒長偶坐幾回沉
皓月閒吟是處到殘陽門前立使修書懶花下留
賓壓酒忙目斷瓊林攀不得一重丹水抵三湘

岐下寓居見槐花落因寄從事

纔開便落不勝黃覆著庭莎襯夕陽只共蟬催雙
鬢老可知人已十年忙曉窗須爲吟秋興夜枕應
教夢帝鄉蜀國馬卿看從獵肯將閑事入淒涼

淞東筵上有寄

集失收

襄王席上一神仙眼色相當語不傳見了又休真
似夢坐來雖近遠于天隴禽有意猶能說江月無
心也解圓更被東風助惆悵落花時節蝶翩翩

得京中親友書訝久無音耗以詩代謝

退閒何事不忘機况限雲溪靜掩扉馬頰浪高魚
去少鷄鳴關險鴈來稀無才敢更期連茹有意兼
思學採薇珍重故人知我者九霄休復寄音徽

病中宜茯苓寄李諫議

千年茯苓帶龍鱗太華峯頭得竄珍金鼎曉煎雲
藻粉玉甌寒貯露含津南宮已借徵詩客

杜甫有
寄楊員

外求扶
苓之什
內署今還託諫臣
飛檄愈風知妙手也
須
分藥救漳濱

坤維軍前寄江南弟兄

二年征戰劒山秋
家在松江白浪頭
關月幾時乾
客淚成煙終日起
鄉愁未知聊堞何當下
轉覺燕
臺不易酬
獨羨一聲南去鴈
滿天風雨到汀洲

寄貫休上人

別來如夢亦如雲
八字微言不復聞
世上浮沉應
念我筆端飛動只
降君
幾同江步吟秋霽
更憶山
房語夜分見擬沃州尋舊約
且教丹頂許爲隣

寄僧

柳拂池光一點清
紫方袍袖杖藜行
偶傳新句來中禁
誰把閒書寄上卿
錫倚山根重
蘚破碁敲石面碎
雲生應憐正視淮王詔
不識東林物外情

送于員外歸隱藍田

曾吟工部兩峯寒
今日星郎得桂冠
吾道不行歸始是
世情如此住應難
圍棋已訪生雲石
把釣先尋急雨灘
若遇秦時雪髯客
紫芝兼可備朝餐

送友赴闕

故人歸去指翔鸞
樂帶離聲可有歡
驛路兩行秋

吹急渭波千疊夕陽寒空郊已曠周禾熟舊苑應
尋漢火殘遙羨從公無一事探花先醉曲江干

送弟東歸

偶持麟筆侍金闕夢想三年在故溪祖竹定欺蒼
雪折稚杉應拂棟雲齊謾勞筋力趨丹鳳可有文
詞詠碧雞此別更無閒事囑北山高處謝猿啼

送知古上人

昔年離別浙河東多難相逢舊楚宮振錫纔尋三
徑草登船忽挂一帆風幾程村飯添玉白何處山
花照衲紅不似投荒憔悴客滄浪無際問漁翁

梅雨

渾開又寄望中迷乳燕歸遲粉竹低撲地暗來飛
野馬舞風斜去散離難初從滴瀝妨琴榭漸到潏
潏繞藥畦少傍海邊飄泊處中庭自有兩犁泥

和陸拾遺題諫院松

落落孤松何處尋月華西畔結根深曉含仙掌三
清露晚上宮墻百雉陰野鶴不歸應有怨白雲高
去太無心碧巖秋澗休相望捧日元須在禁林

題湖城縣西道中槐樹

零落欹斜此路中盛時曾識太平風曉迷天仗歸

春苑暮送鸞旗指洛宮一自煙塵生薊北更無消息幸關東而今只有孤根在鳥啄蟲穿沒亂蓬

靈池縣見早梅

時太尉中書令京兆公奉詔討蜀余在幕中

小園晴日見寒梅一寸鄉心萬里回春日上時拋笠澤戰塵飛處上琴臺棲身未識登龍地落筆元非倚馬才待勒燕然歸未得雪枝南畔少徘徊

途中見杏花

一枝紅艷出牆頭牆外行人正獨愁長得看來猶有恨可堪逢處更難留林空色暝鶯先到春淺香寒蝶未遊更憶帝鄉千萬樹澹煙籠日暗神州

杏花

粉薄紅輕揜歎羞花中占斷得風流軟非因醉都
無力凝去聲不成歌亦自愁獨照影時臨水畔最含
情處出牆頭徘徊盡日難成別更待黃昏對酒樓

紅白牡丹

不必繁絃不必歌靜中相對更情多殷鮮一半霞
分綺潔澈旁邊月颭波看久願成莊叟夢惜留須
倩魯陽戈重來應共今來別風墮香殘襯綠莎

僧舍白牡丹二首

膩若裁雲薄綴霜春殘獨自煖群芳梅粧向日霏

罪暖紈扇搖風閃閃光月魄照來空見影露華凝
後更多香天生潔白宜清淨何必殷紅映洞房
侯家萬朶簇霞丹若竝雙林素艷難合影只應天
際月分香多是畹中蘭雖饒百卉爭先發還在三
春向後殘想得惠林憑此檻肯將榮落意來看

高侍御話皮博士池中白蓮因成奉呈

白玉花開綠錦池風流御史報人知看來應是雲
中墮偷去須從月下移已被亂蟬催曉晚更禁涼
雨動離離習家秋色堪圖畫只欠山公倒接羅
陽人故比

之習家

上巳日花下閒看

十里香塵撲馬飛碧蓮峯下踏青時雲鬟照水和
花重羅袖擡風惹絮遲可使無心邀武媚還應有
淚憶袁熙如煙如夢爭尋得溪柳回頭萬萬絲
所看
不知何儂以武媚袁熙妻爲比父
子間必有語說故爲此隱語耳

紅樹

一聲南鴈已先紅神女霜飛葉葉同自是孤根非
暖地莫驚他木耐秋風曉煙散去陰全薄明月臨
來影半空長憶洞庭千萬樹照山橫浦夕陽中

紅葉

露染霜乾片片輕斜陽照處轉烘明和煙飄落九
秋色隨浪汎將千里情幾夜月中藏鳥影誰家庭
際伴蛩聲一時衰颺無多恨看着春風綵剪成

葉落

紅影飄來翠影微一辭林表不知歸伴愁無色煙
猶在替恨成啼露未晞若逐水流應萬里莫因風
起便孤飛楚郊千樹秋聲急日暮紛紛惹客衣

槎

浪痕龍跡老歌危流落何時別故枝歲月空教苔
蘚積芳菲長倩薜蘿知有文在朽人難識無蠹藏

心鳥莫窺家近滄浪從汎去碧天消息不參差

新鴈

湘浦波春始北歸玉關搖落又南飛數聲飄去和
秋色一字橫來背晚暉紫閣高翻雲羃羃灞川低
渡雨微微莫從思婦臺邊過未得征人萬里衣

池上雙鳬二首

碧池悠漾小鳬雛兩兩依依祗白娛釣艇忽移還
散去寒鴟有意卽相呼可憐翡翠歸雲髻莫羨鴛
鴦入畫圖幸是羽毛無取處一生安穩老菰蒲
雙鳬狎得傍池臺戲藻銜蒲遠又回敢爲稻梁凌

險去幸無鷹隼觸波來萬絲春雨眠時亂一片濃
泮浴處開不在籠欄夜仍好月汀星沼剩徘徊

岐下聞子規

劍閣西南遠鳳臺蜀魂何事此飛來偶因隴樹相
迷至唯恐邊風却送回只有花知啼血處更無猿
替斷腸哀誰憐越客曾聞處月落江平曉霧開

子規

舉國繁華委逝川羽毛飄蕩一年年他山叫處花
成血舊苑春來草似煙雨暗不離濃綠樹月斜長
弔欲明天湘江日暮聲淒切愁殺行人歸去船

鶯

日落林西鳥未知自先飛上竅高枝千啼萬語不
離恨已去又來如有期慣識江南春草處長驚薊
北夢回時謝家園裏成吟久只欠池塘一句詩

中夜聞啼禽

漠漠蒼蒼未五更宿禽何處兩三聲若非西澗回
波觸卽是南塘急雨驚金屋獨眠堪寄恨商陵永
訣更牽情此時歸夢隨腸斷半壁殘燈閃閃明

長安里中聞猿

夾巷長門似海深楚猿爭得此中吟一聲紫陌纔

戊籤八十一吳融之六

唐音統籤卷

七百三十六

五言絕句

山居喜友人相訪

秋雨空山夜非君不此來高於剡溪雪一棹到門
回

和楊侍郎

日極家山遠身拘禁苑深煙霄慚暮齒麋鹿愧初
心

遠山

隱隱隔千里巍巍知幾重平時未能去夢斷一聲

鐘

溪邊

溪邊花滿枝百鳥帶香飛下有一白鷺日斜翹石磯

江樹

終日衝奔浪何年墜亂風謝公堪入詠目極在雲中

薔薇

萬卉春風度繁花夏景長館娃人盡醉西子始新粧

草

染亦不可成畫亦不可得
裴弘未死時應無此顏色

七言絕句

水調

鑿河千里走黃沙
浮殿西來動日華
可道新聲是亡國
且貪惆悵後庭花

華清宮四首

中原無鹿海無波
鳳輦鸞旗出幸多
今日故宮歸寂寞
太平功業在山河

漁陽烽火照幽關
玉輦慙慙下此山
一曲羽衣聽不盡
至今遺恨水潺潺

上皇鸞輅重巡遊
兩淚無言獨倚樓
惆悵眼前多少事
落花明月滿宮秋

別殿和雲鎖翠微
太真遺像夢依依
玉皇拚淚頻惆悵
應歎僧繇彩筆飛

華清宮二首

四郊飛雪暗雲端
唯此宮中落旋乾
綠樹碧簷相掩映
無人知道外邊寒

長生秘殿倚青蒼
擬敵金庭不死鄉
無奈逝川東

去急秦陵松栢滿殘陽

便殿候對

宣呼晝入藥珠宮
玉女牕扉薄霧籠
待得華胥春夢覺
半竿斜日下廂風

秋夕樓居

月裏青山淡如畫
露中黃葉颭然秋
危欄遍倚都無寐
祇恐星河墮入樓

山居卽事

小亭前面接青崖
白石交加襯綠苔
日暮松聲滿堦砌
不關風雨鶴歸來

山居卽事四首

桂樹秋來風滿枝
碧巖歸日免乖期
故人盡向蟾宮折
獨我攀條欲寄誰

不傲南牕且採樵
乾松每帶濕雲燒
庖廚却得長兼味
三秀芝根五朮苗

萬事翛然只有基
小軒高淨簾涼時
闌珊半局和微醉
花落中庭樹影移

無鄰無里不成村
水曲雲重掩石門
何用深求避秦客
吾家便是武陵源

秋園

始憐春草細霏霏不覺秋來綠漸稀惆悵芳人散盡滿園煙露蝶高飛

壬戌歲閩鄉寓居十首

六載抽毫侍禁闈不堪多病決然歸五陵年少如

相問阿對泉頭一布衣

阿對是楊伯起家僮嘗引泉灌蔬其泉至今尚在

穉珪倫鑒未精通只把蛙聲鼓吹同君聽月明人

靜夜肯饒天籟與松風

蛙聲

結得茆簷瞰碧溪閒雲之外不同棲猶嫌未遠函

關道正睡剛聞報曉雞

茅堂

清溪見底露蒼苔密竹垂藤鎖不開應是仙家在

深處愛流花片引人來

清溪

曾拋釣渚入秦關今却持竿傍碧灘認得舊溪兼

舊意恰如羊祜識金環

釣竿

石曰山頭有一僧朝無香積夜無燈近嫌俗客知

縱跡擬向中方斷石層

山僧

礙竹妨花一徑幽攀援可到玉峯頭若教須作康

莊好更有高車駟馬憂

小徑

早於批鵠巧於鶯故國春林足此聲今在天涯別

館裏爲君沽酒復何情

聞提壺鳥

西南古剎近芳林偶得高秋試一吟無限黃花襯

黃葉可須春月始傷心

木塔
偶題

碧嶂爲家煙外樓
銜紅啄翠入芳蹊
可能知我心
無定頻褰花枝拂面啼

山禽

自諷

世路升沉合自安
故人何必苦相干
塗窮始解東歸去
莫過嚴光七里灘

自諷

本是滄洲把釣人
無端三署接清塵
從來不解長流涕
也渡湘灘作逐臣

寓言

非明非暗朧朧月不暖不寒縵縵風獨臥空牀好
天氣平生閒事到心中

憶事

去年花下把酒曾賦楊花數句詩回首朱門閉
荒草如今愁到牡丹時

情

依依脉脉兩如何細似輕絲渺似波月不長圓花
易落一生惆悵爲伊多

上巳日

本學多情劉武威尋花傍水看春暉無端遇著傷

心事贏得淒涼索漠歸

涼思

松間小檻接波平月澹煙沈暑氣清
半夜水禽棲不定綠荷風動露珠傾

野步

一曲兩曲澗邊草千枝萬枝村落花
攜筇深去不知處幾歎山阿隔酒家

卽席

竹引絲隨裊翠樓滿筵驚動玉關秋
何人借與丹青筆畫取當時八字愁

憶街西所居

衡門一別夢難稀
人欲歸時不得歸
長憶去年寒食夜
杏花零落雨霏霏

宿青雲驛

蒼黃負譴走商顏
保得微躬出武關
今夜青雲驛
前月伴吟應到落西山

潮州朝陽樓

十二亭亭占曉光
隋家浪說有迷藏
仲宣題盡平生恨
別處應難看屋梁

塗中阻風

洛陽寒食苦多風，掃蕩春華一半空。
莫道芳蹊盡成實，野花猶有未開叢。

富春

天下有水亦有山，富春山水非人寰。
長川不是春來綠，千峯倒影落其間。

松江晚泊

吳臺越嶠兩分津，萬萬櫓烏簇夜雲。
吟盡長江一江月，更無人似謝將軍。

江行

霞低水遠碧翻紅，一棹無邊落照中。
說與北人應

不愛錦遮泥健馬追風

渡淮作

紅杏花時驛漢苑黃梅雨裏上淮船
雨迎花送長如此辜負東風十四年

南遷途中七首

登七盤嶺二首

才非賈傳亦遷官五月驅羸上七盤
從此自知身計定不能迴首望長安

七盤嶺上一長號將謂青天鑒
麟陶近日青天都不鑒七盤應是未高高

渡漢江初嘗鱖魚有作

嘯父知機先憶魚
季鷹無事已思鱸
自慙初識查頭味
正是栖栖哭阮塗

溪翁

飯稻羹菰曉復昏
碧灘聲裏長兒孫
應嗟獨上涇陽客
排比椒漿奠楚魂

寄友人

驚魂往往坐疑飄
便好爲文慰寂寥
若待清湘葬魚了
縱然招得不堪招

塗中偶懷

無路能酬國士恩
短亭寂寂到黃昏
迴腸一寸危如綫
賴得商山未有猿

訪貫休上人

休公爲我設蘭湯
方便教人學洗腸
自覺塵纓頓瀟灑
南行不復問滄浪

和寄座主尚書

偶逢戎旅戰爭日
豈是明時放逐臣
不用裁詩苦惆悵
風雷看起臥龍身

送薛學士赴任峽州二首

負譴雖安不敢安
疊猿聲裏獨之官
莫將彩筆閒

拋擲更待淮王詔草看

片帆飛入峽雲深帶雨兼風動楚吟何似玉堂裁
詔罷月斜鵲鵲漏沉沉

選許校書

故人言別倍依依病裏斑荆苦憶違明日柳亭門
外路不知誰賦送將歸

送荆南從事之岳州

秋拂湖光一鏡開庾郎蘭棹好徘徊遙知月落酒
醒處五十絃從波上來

金陵遇悟空上人

上人與故相
國楊公有舊

東閣無人事渺茫老僧持鉢過丹陽十年棲止如
何報好與南簾剩炷香

送僧上峽歸東蜀

巴字江流一棹迴紫袈裟是禁中裁如從十二峯
前過莫賦佳人殊未來

詔僧

玉堂全不限常朝臥待重城宿霧銷翻憶故山深
雪裏滿爐枯栢帶煙燒

賣花翁

和煙和露一叢花擔入宮城許史家惆悵東風無

處說不教開地著春華

薛舍人見徵恩賜香并二十八字同寄

往歲知君侍武皇
今來何用紫羅囊
都緣有意重
熏裛更灑江毫上玉皇

荆南席上聞歌

迎愁斂黛一聲分
弔屈江邊日暮聞
何事過雲翻
不定自緣縱跡愛行雲

聞歌

貫珠一夜奏纍纍
盡是荀家舊教詞
落盡梁塵腸
不斷九原誰報小憐知

一作一聲嬌
柳小寒知

楚事

屈原云月極千里傷春心
宋玉云悲哉秋之爲氣

悲秋應亦抵傷春
屈宋當年並楚臣
何事從來好時節
只將惆悵付詞人

豫讓

韓魏同謀反覆深
晉陽三板免成沉
趙衰當面何須恨
不把干將訪負心

陳琳墓

冀州飛檄傲英雄
却把文辭事鄴宮
從道筆端由我得
九泉何面見袁公

經符堅墓

百里煙塵散杳冥
新平一畝草青青
八公山石君知否
休更中原作彗星

金陵懷古

玉樹聲沉戰艦收
萬家冠蓋入中洲
祗應江令徧惆悵
頭白歸來是客遊

王母廟

鸞龍一夜降崑丘
遺廟千年枕碧流
賺得武皇心力盡
忍看煙草茂陵秋

野廟

古原荒廟揜蒼苔
何處喧喧鼓笛來
日暮烏歸人

散盡野風吹起紙錢灰

雲

南北東西似客身
遠峯高鳥自爲鄰
清歌一曲猶能住
莫道無心勝得人

秋色

染不成乾畫未銷
霏霏拂拂又迢迢
曾從建業城邊路
蔓草寒煙鏤六朝

潮

暮去朝來無定期
桑田長被此聲移
蓬萊若探人間事
一日還應兩度知

鮫綃

雲供片段月供光
貧女寒機枉自忙
莫道不蠶能
致此海邊何事有扶桑

旅館梅花

清香無以敵寒梅
可愛他鄉獨看來
爲憶故溪千萬樹
幾年辜負雪中開

桃花

滿樹和嬌爛漫紅
萬枝丹彩灼春融
何當結作千年實
將示人間造化工

木筆花

月華集
嫩如新竹管初齊粉膩紅輕樣可攜誰與詩人俚
檻看好於牋墨併分題

楊花

不聞穠華不占紅自飛晴野雪濛濛百花長恨風
吹落唯有楊花獨愛風

和僧詠牡丹

萬緣銷盡本無心何事看花恨却深都是支郎足
情調墜香殘藥亦成吟

買帶花櫻桃

粉紅輕淺靚粧新和露和煙別近鄰萬一有情應

有恨一年榮落兩家春

海棠二首

太尉園林兩樹春

番禺太尉徐公興化亭子有海棠二株

年年奔走

探花人今來獨倚荆山看迴首長安落戰塵

雪綻霞鋪錦水頭占春顏色最風流若教更近天街種馬上多逢醉五侯

送杜鵬花

春紅始謝又秋紅息國亡來入楚宮應是蜀冤啼不盡更憑顏色訴西風

忘憂花

繁紅落盡始淒涼直道忘憂也未忘數朶殷紅似
春在春愁特此繫人腸

秋聞子規

年年春恨化冤魂血染枝紅壓疊繁正是西風花
落盡不知何處認啼痕

鴛鴦

翠翹紅頸覆金衣灘上雙雙去又歸長短死生無
兩處可憐黃鵠愛分飛

水鳥

煙爲行止水爲家兩兩三三睡暖沙爲謝離鸞兼

別鵲如何禁得向天涯

西京道中聞蛙

雨餘林外夕煙沉
忽有蛙聲伴客吟
莫怪聞時倍惆悵
稚圭蓬蓽在山陰

卷終

戊籤八十二

八十三
同卷

唐音統籤卷

七百三
十七

陸希聲吳人博學善屬文尤工書初隱義興後應
召累歙州刺史相昭宗在位無所輕重以太子太
師罷李茂貞犯京師興疾避難卒有願山詩一卷

唐宋
志同

今存詩二十篇

山房卽事二首

韻語陽秋云希聲隱居宜興
君陽山今金沙寺是其故宅

自著君陽山記叙其景物亭
館如輞川尚可得其彷彿

君山蒼翠接青冥東走洮湖上洞庭茆屋向陽梳
白日竹窓深夜誦丹經湧泉回穴魚龍氣怪石驚
騰鳥獸形爲問前時金馬客此焉還作少微星

不是幽棲矯性靈從來無意在羶腥滿川風物共
高枕四合雲山借畫屏五鹿歸來矜嶽嶽孤鴻飛
去入冥冥君陽遁叟何爲樂一炷清香兩卷經

苦竹徑

山前無數碧琅玕一逕清森五月寒世上何人憐
苦節應須細問子猷看

梅花塢

凍蕊凝香雪艷新小山深塢伴幽人知君有意凌
寒色羞共千花一樣春

石兒臺

大河波浪激潼關青兕胡爲伏此山遙想楚王雲
夢澤蜺旌羽蓋定空還

講易臺

希聲著易傳十卷自序嘗夢伏義文王孔子傳易如有符契作傳授門人

崔澈王贊云

芸香署裏從容步陽羨山中笑傲情竿底紫鱗輪
釣伴花邊白犬吹流鶯

觀魚

惠施徒自學多方謾說觀魚理未長不得莊生濠
上旨江湖何以見相忘

綠雲

六月清涼綠樹陰
小亭高臥滌煩襟
羲皇向上何人到
永日時時弄素琴

清輝堂

野人心地本無機
爲愛茅簷倚翠微
盡日樽前誰是客
秋山寒水有清輝

觀妙菴

妙理難觀旨甚深
欲知無欲是無心
茅菴不異人間世
河上真人自可尋

西陽亭

隔林殘日照孤亭
玄晏先生酒未醒
入夜莫愁迷

下路昔人猶似逐流螢

弄雲亭

自知無業致吾君只向空山弄白雲
已共此山私斷當不須轉轍重移文

伏龜堂

盤崖感縮似靈龜
鬼谷先生隱遯時
不獨卷懷經世志
白雲流水是心期

桃花谷

君陽山下足春風
滿谷仙桃照水紅
何必武陵源上去
澗邊好過落花中

含桃園

小圃初晴風露光
含桃花發滿山香
看花對酒心無事
倍覺春來白日長

茗坡

二月山家穀雨天
半坡芳茗露華鮮
春醒酒病兼消渴
惜取新芽旋摘煎

松嶺

嶺上春松手自栽
已能蒼翠映莓苔
歲寒本是君家事
好送清風月下來

桃蹊

芳草霏霏遍地齊
桃花脈脈自成蹊
也知百舌多言語
住向春風盡意啼

鴻磐

落落飛鴻漸始磐
青雲起處剩須看
如今天路多繒繳
縱使銜蘆去也難

李徑

一徑濃芳萬蕊攢
風吹雨打未摧殘
憐君盡向高枝發
應爲行人要整冠

寄詒光上人

紀事云古之善書鮮有得筆法者希聲得之凡五事據押鉤格

抵用筆雙鉤則點畫遒勁而盡妙矣謂之撥鐙法希聲自言昔二王皆傳此法至陽

水亦得之希聲以授沙門。晉光、警、光入長安，爲翰林供奉，得幸于昭宗。希聲猶未達，以詩寄晉光，云：「云：晉光感其言，引薦遂得召，後至相，其力也。」

筆下龍蛇似有神，天池雷雨變逡巡。寄言昔日不龜手，應念江湖滸潏人。

戊籤八十三

陸扆字祥文，吳郡嘉興人。家於陝，文思敏速，揮翰如飛。昭宗朝，拜相，遷洛，貶濮州司戶，死。白馬驛集。

七卷

唐宋志同

今存詩一篇

禁林聞曉鶯

曙色分層漢，鶯聲繞上林。報花開瑞錦，催柳綻黃

金斷續隨風遠間關送月沈語當溫樹近飛聲禁
園深繡戶驚殘夢瑤池嘯好音願將棲息意從此
沃天心

句

今秋已約天台月

紀事

戊籤八十四

至八十
七同卷

唐音統籤卷

七百三
十八

高蟾登乾符三年進士第乾寧間爲御史中丞詩

一卷

宋志二卷
奇險意疎理寡

北夢瑣言云蟾詩思雖清務爲
實風雅之罪人薛能謂人曰

倘見此公試贈其掌然而落第詩不向東風怨未
開守寒素之分無躁競之心公卿間許之終以策
名鄭谷嘗贈蟾詩云張生故國三千里知者惟
應杜紫微君有君恩秋後葉可能更羨謝玄暉蓋
蟾有宮詞云君恩秋後葉
日日向人疎今全什亡

長門怨

天上何勞萬古春君前誰是百年人魂銷尚愧金
爐燼思起猶慚玉輦塵煙翠薄情攀不得星芒浮
艷採無因可憐明鏡來相向何似恩光朝夕新

秋日寄華陽山人

雲木送秋何草草風波凝冷太星星銀鞍公子
堪斷玉弩將軍涕自零茅洞白雲和雨看荆溪黃
鵠帶霜聽人間不見清涼事猶向溪翁乞畫屏

感事

濁河從北下清洛向東流清濁皆如此何人不白
頭

卽事

三年離水石一旦隱樵漁爲問青雲上何人識卷
舒

秋思

天地泰蕭索山川何渺茫不堪星斗柄猶把歲寒
長

雪中

金閣倚雲開朱軒犯雪來三冬辛苦樣天意似難
裁

漁家

野水千年在閒花一夕空近來浮世狹何似釣船
中

道中有感

一醉六十日一裘三十年年華經幾日日日淖征
鞭

宋汴道中

平野有千里居人無一家點兵年正少日久戍天
涯

關中

風雨去愁晚關河歸思涼西遊無紫氣一夕九回
腸

楚思

疊浪與雲急翠蘭和意香風流化爲雨日暮下巫

陽

歸思

紫府歸期斷芳洲別思迢黃金作人世只被歲華
銷

長信宮二首

天上夢魂何杳杳宮中消息太沉沉君恩不似黃
金井一處團圓萬丈深

天上鳳皇休寄夢人間鸚鵡舊堪悲平生心緒無
人識一隻金梭萬丈絲

華清宮

何事金輿不再遊
翠鬟丹臉豈勝愁
重門深鎖禁鐘後
月滿驪山宮樹秋

偶作二首

丁當玉珮三更雨
平帖金闈一覺雲
明日薄情何處去
風流春水不知君

霞衣重疊紅蟬媛
雲髻蔥龍紫鳳寒
天上少年分散後
一條煙水若爲看

春二首

月桂數條一作天桂幾條揜白日
天門幾扇鎖明時
陽春發處無根蒂
憑仗東風分外吹

明月斷魂清藹藹平蕪歸思綠迢迢人生莫遣頭
如雪縱得東風也不消

秋

陽羨溪聲冷駭人洞庭山翠晚凝神天將金玉爲
風露曾爲高秋幾度貧

晚思

虞泉冬恨由來短楊葉春期分外長惆悵浮生不
知處明朝依舊出滄浪

永夕

雲鴻宿處江村冷獨狔啼時海國陰不會殘燈無

一事覺來猶有向隅心

旅夕

風散古陂驚宿鴈月臨荒戍起啼鴉不堪吟斷無人見時復寒燈落一花

長安旅懷

馬嘶九陌年年苦人語千門日日新惟有終南寂無事寒光不入帝鄉塵

灞陵亭

一條歸夢朱絃直一片離心白羽輕明日灞陵新霽後馬頭煙樹綠相迎

瓜洲夜泊

偶爲芳草無情客
況是青山有事身
一夕瓜洲渡
頭宿天風吹盡廣陵塵

金陵晚眺

曾伴浮雲歸晚翠

一作猶

陪落日泛秋聲
世間無

限丹青手
一片傷心畫不成

秋日北固晚望二首

風含遠思翛翛晚
日照高情的的秋
何事滿江惆悵
水年年無語向東流

澤國路岐當面苦
江城砧杵入心寒
不知白髮誰

月二
醫得爲問無情歲月看

吳門春雨

吳甸落花春漫漫吳宮芳樹晚沉沉王孫不柰如
絲雨罨斷春風一寸心

下第後上永崇高侍郎

天上碧桃和露種日邊紅杏倚雲栽芙蓉生在秋
江上不向東風怨未開

送張道士

因將歲月離三島閒貯風煙在一壺爲問金烏頭
白後人間流水却回無

落花

一葉落時空下淚三春歸盡復何情無人共得東風語半日樽前計不成

句

見前注

戊籤八十五

袁皓宜春人登咸通進士第僖宗狩蜀爲倉部員外郎奉詔采李晟功烈爲興元聖功錄賜諸將風勵龍紀中爲集賢殿圖書使自稱碧池處士有碧池書三十卷

宋志集一本

今存詩四篇

重歸宜春偶成十六韻寄朝中知己

水香甘似醴知是入袁溪黃竹成叢密青蘿夾岸
低煖流瀾瀾戲深樹鵬鵠啼黃犬驚迎客青牛困
臥泥有村皆績紡無地不耕犁鄉曲多耆舊逢迎
盡杖藜殷勤傾白酒相勸有黃雞歸老官知忝還
鄉路不迷直言干忌諱權路恥依棲拙學趨時態
閒思與牧齊稻糧饒燕雀江海溢鳬鷺昔共逢離
亂今來息鼓鞞恩仁霑品物教化及雕題上貢貞
元祿曾叨寵記批何須歸紫禁便是到丹梯珍重
長安道從今息馬嘶

及第後作

金勝高懸姓字真分明折得一枝春蓬瀛乍接神
仙侶江海迴思耕釣人九萬搏扶排羽翼十年辛
苦涉風塵昇平時節逢公道不覺龍門是嶮津

重歸宜春經過萍川題梵林寺

梵林遺址在松蘿四十年來兩度過瀘水東奔彭
蠡浪萍川西注洞庭波村煙不改居人換官路無
窮行客多拖紫腰金成底事凭關惆悵欲如何

寄岳陽嚴使君

皓初登第過岳陽悅妓蒞
珠以詩寄嚴嚴以妓贈之

得意東歸過岳陽桂枝香惹蒞珠香也知暮雨生
巫峽爭柰朝雲屬楚王萬恨只憑期尅手寸心唯

繫別離腸南亭宴罷笙歌散回首煙波路渺茫

戊籤八十六

羊昭業字振文吳人唐末登進士第大順中嘗預

修國史有集十五卷

唐志無宋志有

今存詩一篇

昭業應詔修史

為高逢休所譏詳前顧雲傳畧注中

皮襲美見留小讌次韻

澤國春來少遇晴有花開日且飛觥王戎似電休

推病周顗纔醒衆却驚芳景漸濃偏屬酒煖風初

暢欲調鶯知君不肯燃官燭爭得華筵徹夜明

時襲

美眼疾未平不飲酒故云

戊籤八十七

鄭良士字君夢閩人昭宗時獻詩五百篇授補闕

有白巖集十卷

宋志白巖集五卷詩集十卷

今存詩三篇

題興化高田院橋亭

見閩志

到此溪亭上浮生始覺非野僧還惜別遊客亦忘
歸月滿千巖靜風清一磬微何時脫塵役杖履願
相依

遊九鯉湖

仄徑傾崖不可通湖嵐林靄共溟濛九溪瀑影飛
花外萬樹春聲細雨中覆石雲間丹竈冷採芝人

去洞門空我來不乞邯鄲夢取醉聊乘鄭國風

寄富洋院禪者

畫破青山路一條走鞭飛蓋去何遙礙天巖樹春
先冷鎖院溪雲晝不銷雪上茗芽因客煮海南沈
屑爲齋燒誰能學得空門士冷却心灰守寂寥

戊籤八十八

唐音統籤卷

七百三十九

錢翊字瑞文吳興人起之曾孫也善文詞宰相王
溥薦知制誥進中書舍人昭宗有事郊壇嘗抗論
內臣不宜以朝服侍祠識者韙之後溥得罪翊貶
撫州司馬

藝文志載翊有舟中錄二十卷
宋志又有制集十卷詩集無傳

今編詩

一卷

客舍寓懷

灑灑灘聲晚霽時客亭風袖半披垂野雲行止誰
相待明月襟懷祇自知無伴偶吟溪上路有花偷
笑臘前枝牽情景物潛惆悵忽似傷春遠別離

同程九早入中書

誤入祖起集

漢家賢相重英奇蟠木何材也見知不意雲霄能
自致空驚鵷鷺忽相隨臘雪初明栢子殿春光欲
上萬年枝獨慚皇鑒明如日未厭春光向玉墀

江行無題一百首

舊作珣祖起詩今考詩繫遷謫塗中雜詠起無謫官

事而聲調更復不類珣自中書謫撫州其
舟中集序見文苑英華者云秋八月從襄
陽浮江而行詩中潤色非東里官曹更建
章之詠中書去指龍沙路及身到章江日
之詠謫撫州所入峴山沔武昌匡廬鄱湖
潯陽諸地名之詠襄陽而下之經途皆
一賸合而好日當秋半與九日自佳節扁
舟無一杯等句尤秋八月啓行之左驗其
爲珣詩無疑也蔡寬夫詩話云江行百首
錢蒙仲得之他本因以傳世元非起集之

舊宋人語更可據今直改入珣集
庶往武虛名無奪克繩後美云爾

傾酒向漣漪乘流欲去時寸心同尺璧投此報馮夷

江曲全縈楚雲飛半自秦峴山回首望如別故鄉

人

往年累
登峴亭

浦煙含夜色冷日轉秋旻自有沉碑在清光不照人

楚岸雲空合楚城人不來祇今誰善舞莫恨廢章臺

行背青山郭吟當白露秋風流無屈宋空詠古荆

州

晚來漁父喜網重欲收遲恐有長江使金錢願贖
龜

去指龍沙路徒懸象關心夜涼無遠夢不爲偶聞
砧

霧雲疎有葉雨浪細無花

一作聲

穩放扁舟去江天

自有涯

一作程

好日當秋半層波動旅腸已行千里外誰與共秋
光

潤色非東里官曹更建章宦遊難自定來喚權船

郎

夜江清未曉徒惜月光沉不是因行樂堪傷老大心

翳日多喬木維舟取束薪靜聽江叟語盡是厭兵人

箭漏日初短打燵草未衰雨餘雖更綠不是採蘋時

山水夜來漲喜魚跳滿江岸沙平欲盡垂蓼入船窓

渚邊新鴈下舟上獨淒涼俱是南來客憐君綴一

行

雲密連江暗風斜著物鳴一杯真戰將笑爾作愁兵

柳拂斜開路籬邊數戶村可能還有意不掩向江門

不識相如渴徒吟子美詩江清惟獨看心外更誰

知

此指杜老酒渴愛江清句也起興杜同知時何至遽用其語翻案益信爲珣詩矣

牽路沿江狹沙崩岸不平盡知行處險誰肯載時輕

憔悴異靈均非讒作逐臣如逢漁父問未是獨醒

人

水含秋夜靜雲帶夕陽高詩癖非吾病何妨晚短
毫

帶舟維古岸還似阻西陵箕伯無多怒回頭詎不
能

秋雲久無雨江燕社猶飛却笑舟中客今年未得
歸

帆翅初張處雲鵬怒翼同莫愁千里路自有到來
風

佳節雖逢菊浮生正似萍故山何處望荒岸小長

亭

月下江流靜村荒人語稀
鷺鷥雖有伴仍共影雙飛

斗轉月未落舟行夜已深
有村知不遠風便數聲砧

棹驚沙鳥迅飛灘夕陽波
不顧魚多處應防一目羅

行到楚江岸蒼茫人正迷
祇如秦塞遠格磔鷓鴣啼

漸覺江天遠難逢故國書
可能無往事空食鼎中

魚

岸草連荒色村聲樂稔年晚晴貪穫稻閒却採菱
船

灘淺多遊鷺江清易見魚恠來吟未足秋物欠紅
蕖

蛩響依沙草螢飛透水煙夜涼誰詠史空泊運租
船

睡穩葉舟輕風微浪不驚人
居蘆葦岸終夜動秋
聲

自念平生意曾期一郡符可知因謫宦斑鬢入江

湖

水天涼夜月不是少清光好景隨人物秦淮憶建

康

古來多思客搖落恨江潭今日秋風至蕭疎過沔

南

映竹疑村好穿蘆覺渚幽漸安無曠土葺茅當農

收

煙渚復煙渚畫屏休畫屏引愁天末去數點暮山

青

秋風動客心寂寂不成吟飛上危檣立鶯啼報好

音

見底高秋水開懷萬里天
旅吟還有伴沙柳數枝
蟬

九日自佳節扁舟無一杯
曹園舊罇酒戲馬憶高
臺

兵火有餘燼貧村纔數家
無人爭曉渡殘月下寒
沙

渚禽菱芡足不向稻梁爭
靜宿涼灣月應無失侶
聲

輕雲未撲霜樹杪橘初黃
行是知名物過風過水

香

土曠深耕少江平遠釣多平生惜葉本金華竟如
何

海月非常物等閒不可尋披沙應有地淺處定無
金

風晚冷颼颼落葉已白頭舊來紅葉寺堪憶玉京
秋

渺渺望天涯清漣浸赤霞難逢星漢使烏鵲日乘
槎

風好來無陣雲開去有踪釣歌無遠近應喜罷縲

鐘

吳疆連楚甸，楚俗異吳鄉。
謾把罇中物，無人咏蟹

黃

一作匡

岸綠野煙遠，江紅斜照微。
撐開小漁艇，應到月明歸。

雨餘江始漲，漾漾見流薪。
曾嘆河中木，斯言憶古人。

垂露晚猶濃，清風不易逢。
涉江雖已晚，高樹舉芙蓉。

乘舟維夏口，煙野獨行時。
不見頭陀寺，空懷幼婦

碑

晚泊武昌岸津亭踈柳風數株曾手植好事憶陶公

舟航依浦定星斗滿江寒若比陰霾日何妨夜未闌

近戍離金落孤岑望火門惟將知命意瀟灑向乾坤

叢菊生隄上此花長後時有人還採掇何必在春期

景夕殘霞落秋寒細雨晴短纓何用濯舟在月中

行

堤壞漏江水地均成野塘晚荷人不折留取作秋香

左宦終何路攄懷亦自寬襏襫嘲白鷺無意喻梟鸞

樓空人不歸雲白去時衣黃鶴無心下長應笑令威

白帝朝驚浪陽臺暮映雲等閒生險易世路祇如君

櫓

一作藍

慢生輕浪帆虛帶白雲客船雖狹小容得

瘦將軍

晉冠軍將軍柳遐免官桓溫怪其瘦荅云不能不恨于破甌瑯用此聊自諱耳亦以

郡司馬掌武得比將軍也

靜看秋江水風微浪漸平人間馳競處塵土自波成

風借帆方疾風回棹却遲較量人世事不校一毫釐

咫尺愁風雨匡廬不可登祇疑雲霧窟猶有六朝

僧

雲一作香

江草何多思冬青尚滿洲誰能驚鵬鳥作賦爲沙

鷗

幸有煙波興寧辭筆硯勞緣情無怨刺却似反離騷

沙上獨行時吟高到楚詞難將垂岸蓼盈把當江籬

秋寒鷹隼健逐雀下雲空知是江湖客無心擊塞鴻

幽懷念煙水長恨隔龍沙今日滕王閣分明見落霞

江流何渺渺懷古獨依依漁父非賢者蘆中但有磯

風雨正甘寢雲霓忽曉晴放歌雖自遣一歲又崢嶸

幽思正遲遲沙邊濯弄時自憐非博物猶未識鳬葵

曾有煙波客能歌西塞山落花惟待月一釣紫菱灣

千頃水紋細一拳嵐影孤君山寒樹綠曾過洞庭湖

光濶重湖水低斜遠鴈行未曾無興詠多謝沈東陽

晚菊繞江壘忽如開古屏莫言時節過白日有餘
馨

日落長亭晚山門步障青可憐無酒分處處有旗
亭

遠岸無行樹經霜有伴紅停船搜好句題葉贈江
楓

身世比行舟無風亦暫休敢言終破浪惟願穩乘
流

數畝蒼苔石煙濛鶴卵洲定因詞客遇名字始風
流

興閒停桂楫路好過松門不負佳山水還開酒一樽

短楫休敲桂孤根自駐萍自憐非劍氣空向斗牛星

高浪如銀屋江風一發時筆端降太白才大語終

奇有降太白語又知非起詩矣

細竹漁家路晴陽看結罾喜來邀客坐分與折腰菱

平湖五百里江水想通波不柰扁舟去其如決計何

數逢雲斷處去岸映高山身到章江日應猶未得閒

一灣斜照水三板順風船未敢相邀釣勞生只自憐

江雨正霏微江村晚渡稀何曾妨釣艇更待得魚歸

新野舊樓名潯陽勝賞情照人長一色江月共濤清

願飲西江水那吟北渚愁莫教留滯跡遠比蔡昭侯

湖口分江水東流獨有情常時好風物誰伴謝宣城

潯陽江畔菊應似古來秋爲問陶樓客吟時得酒不

高峯有佳號千尺倚寒風若使爐煙在猶應爲上公

萬木已清霜江邊村事忙故溪黃稻熟一夜寢中香

楚水苦縈回征帆落又開可緣非直路却有好風來

遠謫歲時宴幕江風雨寒仍愁繫舟處驚夢近長灘

送王郎中

惜別遠相送却成惆悵多獨歸回首處爭那暮山何

春恨三首

負罪將軍在北朝秦淮芳草綠迢迢高臺愛妾寬銷盡始得丘遲爲一招

久戍臨洮報未歸篋香銷盡別時衣身輕願比蘭堦蝶萬里還尋塞草飛

永巷頻聞小苑遊
舊恩如淚亦難收
君前願報新顏色
團扇須防白露秋

蜀國偶題

忽憶明皇西幸時
暗傷潛恨竟誰知
佩蘭應語宮臣道
莫向金盤進荔枝

未展芭蕉

冷燭無煙綠蠟乾
芳心猶卷怯春寒
一緘書札藏何事
會被東風暗折看